

各本堂塾課續編下

詩云迨天之未陰雨徹彼桑土綢繆牖戶

詩咏鳥之爲巢有善於及時者焉夫使天已陰雨則時無及矣迨其未雨而徹土綢繆非善於及時者乎且事之可待者皆勢之未然者也而欲乘乎未然之勢必不容存一可待之心非爲勞也由未然以俟已然忽於事前必有貽誤於事後者矣固未然以圖當然慮及事後自有難緩於事前者矣取物而備之卽盡心而爲之而其廼不及待之情嘗流連篇章而得之知者可與咏鴝鵒之詩夫鴝鵒之詩周公託鳥愛巢而作也當其子口卒瘡室家未有係無有風雨漂進悔無及者乎然而鳥有以善承夫天矣值時日之

寬○閑○每○思○怠○緩○以○從○事○顧○天○與○我○以○寬○閑○天○未○嘗○許○我○以○玩○愒○圖○
厥○後○者○慎○其○初○儼○若○作○室○有○堂○先○事○而○早○爲○之○備○當○歲○月○之○暇○逸○
似○可○從○容○以○赴○功○顧○天○暇○我○以○歲○月○天○必○不○容○我○以○蹉○跎○物○之○輕○
者○用○可○重○不○啻○于○茅○綯○索○思○患○而○預○爲○之○防○夫○牖○戶○者○鳥○所○深○賴○
也○桑○土○者○鳥○所○必○需○也○而○天○既○陰○雨○之○後○又○恐○時○窮○勢○迫○而○竭○蹶○
不○呈○也○顧○天○之○不○能○不○陰○雨○者○若○有○難○追○之○勢○而○天○之○不○遽○爲○陰○
雨○者○猶○有○可○追○之○機○曰○徹○彼○曰○素○土○曰○綯○繆○牖○戶○綯○繆○而○先○惕○之○
曰○追○天○之○未○陰○雨○吾○知○其○有○幸○心○焉○吾○知○其○有○危○心○焉○未○陰○雨○者○
天○道○之○常○而○陰○雨○實○爲○天○道○之○變○使○既○逢○其○變○卽○綯○繆○惟○殷○亦○歎○

補之已晚曰未陰雨是將陰將雨之天而特與此安閒者以奏其
功也而何可忽也且夫以牖戶而謀苞桑之固尤不能鹵莽以成
耳天若深知其事之不可以鹵莽而故寬其時以留爲有餘則牖
戶之易成固可日一夕以藏事即牖戶之難成亦不至勤勞而罔
功也而能無欣欣鼓舞也哉陰雨者天道之偶而未陰雨實爲天
道之常使終安其常即綢繆未至亦無意外之可憂是必陰必雨
之天而暫留此斯須者以刻其期也而胡可恃乎且夫以綢繆而
爲樂土之謀尤不能粗疎以就耳天若不知事之不可以粗疎而
姑限其時以迫爲奏效則綢繆之既密雨之降固不少緩須臾即
務太急也果責備

不。當。言。絲。繆。之。未。密。雨。之。來。亦。不。稍。遲。頃。刻。也。而。能。無。憂。勤。惕。勵。也。哉。觀。於。詩。言。而。圖。治。之。貴。及。時。也。益。信。

斟酌飽滿無懈可擊題中一字不肯放過可稱絲密

受業賈汝
霖謹識

知穆公之可與有行也而相之

相必擇其可。其所知者微矣。夫穆公之可與有行。未易知也。奚獨知而相之。鬻云乎哉。從來君擇臣。臣亦擇君。凡以擇其可。不可而已。士有懷才負異。躁進功名。或強與圖成。而終馳末路。或勉供驅策。而終負好修。則以濟時之才有餘。而擇主之識不足也。知此可與論百里奚之舉于秦。夫舉之卽相之也。且夫百里奚豈不知其可。不可而遽相之哉。天下不皆可仕之國。患不在弱小而在苟安。是必有克自振拔者。乃可相與共理也。而不然者。其志怠。吾人止自具相時之識。道不在成而在器量。是必擇其風度不凡者。乃可

相與有成也。而不然者。其道垂。是非可與有行者。不足相也。若穆公。則何如者。想其研。渭。肇。封。緒。衍。非。子。嶠。函。僻。處。壤。接。犬。戎。齊。桓。倡。霸。未。占。北。杏。之。盟。晉。獻。逞。雄。孰。爲。東。道。之。主。雖。刪。詩。而。錄。秦。風。序。書。而。終。秦。誓。以。後。日。之。時。勢。則。然。而。當。相。秦。之。日。遂。謂。王。氣。未。衰。可。與。發。祥。於。西。北。夏。聲。必。大。可。與。雄。長。於。東。南。也。豈。非。不。可。知。之。致。哉。然。而。百。里。奚。竟。知。其。可。與。有。行。也。何。哉。大。抵。英。主。雄。才。大。畧。非。必。誇。耀。於。人。而。其。器。識。宏。深。自。於。地。醜。德。齊。之。中。獨。標。風。才。世。臣。見。遠。識。微。不。難。先。事。而。定。所。以。藥。鑑。不。爽。早。於。物。色。風。塵。之。際。默。決。從。違。可。與。視。乎。器。而。富。強。之。說。不。與。焉。穆。公。之。器。何。如。者。

汎舟之役不以幸災怒鄰封殺陵之師不以一青掩大德且聽其
言皆仁人長者之旨卽知見諸行皆子孫黎民之福也如謂華實
爲九州之上腴防禦爲天地之奧區而遂知其可與謀國也抑亦
淺矣可與視乎識而符瑞之說不與焉穆公之識何如者黃髮可
詢不以譎言詢耆德素服自責不以師止怙前愆將怵惕惟厲無
時或忘机樞之憂卽知奮發自強一人可致榮懷之慶也如謂作
鄴時而禱詞爰福降陳寶而瑞應格天遂知其可與圖霸也抑又
未矣君子是以歎奚之智侗乎遠矣

驅策典籍獨具匠心換腹者未能道其隻子受業賀萬春謹識

有不虞之譽有求全之毀

譽與毀盡反其常。大賢深慨其有焉。夫譽毀雖失真獨近似也。至不虞之譽求全之毀盡反其常矣。孟子故深慨其有也。曰自愛憎之不能無私也。而譽毀興焉。顧譽毀已失真道之公。譽毀更足覩世情之變。不此之察。譽之因以自負。毀之遂以自疑。而寡識者流復執漫無足據之說以奉爲定論。又惡知夫無因而至者其顛倒固不可以常情測也。今夫好善者秉彝之良。惡惡者人情之正。烏用此譽毀爲哉。雖然亦正有辨。謂修德非以沽名而令名亦自可貴。謂正已不求弭謗而召謗亦非所甘。譽與毀本有不能漠然者。

縱褒譏不無過當而旌淑別慝未始非吾人懲勸之資謂家好未
可憑而品題者率多佳士謂人言不足畏而指摘者恒少純儒譽
與毀蓋有不甚相遠者縱愛惡未盡持平而激濁揚清尚不淆方
寸鑑衡之用蓋與昆白其所虞者也豈必求全者也其有亦何足怪
而顧不盡然不見夫不虞之譽乎一節足稱而過蒙優獎獨得曰
善善從長耳此所譽者安在乎僉王擅權爭上功德之頌豎僻誤
國亦分俎豆之榮極口之推崇若借以用其詬又若借以黨其私
無論受之者好惡即譽之者當亦自覺無謂也而世竟有之不見
天不全之毀乎細行不矜而改滋物議猶得曰取侮有由耳此所

毀者何在也。求瑕索垢。忠孝反蹈不韙之名。孤誼其心。聖賢亦負
流言之謗。讒口之媒。蘖若以是洩其宿怨。又若以是快其忌心。無
論聞之者滋惧。卽毀之者。當亦自覺不情也。而世又有之。夫然而
修已者。可以勉聞。諛而喜與。念必役于浮名。因謗而疑。前修必墮
于末路。嗟嗟者。貽害匪淺哉。夫得失亦期。獨喻耳。無德而或負重
名。適增內疾。捫心苟無慚。清夜何恤。人言現事後。論定譽焉者。終
逃擯斥之嚴。毀焉者。率得食馨香之報也。而何得以無關榮辱之
說。動其欣戚哉。夫然而觀人者。可以鑑燭物。無定衡。或蔽于道。聽
之說。相士鮮持識。輒惑于多口之謗。悠悠者。詎得深恃哉。夫甄別
勞本堂塾果齋編

亦貴有精心耳。循名責實，衆人難邀。國士之恩，畧迹原心，知已遂深。賢豪之感，况藻鑑不爽，不特不虞，求全者皆深其愧。勵並使譽之毀之者，默息其浮囂也。而何至以無足輕重之論，清吾神明哉！落古含今，語有包孕，非胸羅全史，未能辦此。受業劉鸞，翼謹識。

予未得爲孔子徒也。予私淑諸人也。

大賢自明其私淑。念至聖而意遠矣。夫未爲徒而猶淑諸人。則淑諸人者。卽不啻爲徒也。孟子所由念孔子而意遠歟。若曰。吾言存之君子。自舜禹而終于孔子。誠以孔子者。紹先聖開來學。欲淑身者。必以是爲宗也。苟以哲人已往。至教難親。而遂自甘暴棄。與蚩蚩之庶民等。其自絕于孔子者。卽其自絕于羣聖者也。惟然而予承孔子之澤。不禁奮然興也。泰山雖頽。金聲之餘音。宛在泗水。未渺木鐸之雅化。常新在孔子。固望百歲之後。繼起有人。而惟是永留其緒。以待後人之追尋。望聖居而瞻模。非遙計先世以低徊典

型未遠在予更恐百世而下心法終湮而庶幾獨善其身以承先聖之道脉予于是念孔子而慨然矣苟置予于顏曾閔冉之列則從遊侍坐見之更切于聞之而無如未得爲徒也性道文章後世第傳其餘緒詩書禮樂雅言未聆諸當年遐想焉而聲歌已杳能無悵望于二百四十年華削迭降之餘予于是念孔子而更殷然矣卽生予于世遠年湮之時而頌詩讀書古人猶可以尚友而況乎私淑有人也崇王黜霸論治不道夫桓文由義居仁講學力距夫楊墨追溯焉而薪傳可接敢不振興于三千七十子源流分衍之目然而予不敢以私淑諸人而自外于孔子也道學授受之真

在精神不在形迹得爲徒而自暴自棄雖面命可提神離僅屬貌
合未爲徒而晤牆見美雖風微入往異世不啻同堂但使吾身不
自菲薄而承流風如見美富慕餘音僅列門牆願學有素志矣我
夫子在天之靈當默鑑之然而予正以未爲徒而更樂於私淑也
吾人傍修之力愈艱難亦愈阻皇淑諸聖而函丈親炙則達財成
德諸賢分任其存肩淑諸人而淵源遙溯則抱闕守殘一人難寬
其責備縱使當躬不敢怠荒而大義乖何以復明微言絕而何以
復續斯文其在茲乎後君子匡其不逮吾猶俟之夫虞夏以降孔
子集其成春秋以來誰能當其責此予所以憂勤惕勵而求勉爲

君子也歟。

風華朗潤詞調亦極圓熟而一比一意皆有妙議讀者足棄疊
牀架屋之病受業賈汝霖謹識